



REPUBLIKA E SHQIPËRIE

ENTI RREGULLATOR I ENERGJISË

BORDI

VENDIM

Nr. 78, Datë 31.05.2019

MBI

PËRCAKTIMIN E ÇMIMIT TË SHITJES SË ENERGJISË ELEKTRIKE NGA FURNIZUESI I MUNDËSISË SË FUNDIT PËR MUAJIN MAJ 2019

Në mbështetje të nenit 16 dhe nenit 87 pika 4, të Ligjit nr. 43/2015 “Për Sektorin e Energjisë Elektrike”, i ndryshuar; “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”, miratuar me Vendimin e bordit të ERE-s nr. 201, datë 04.12.2017, i ndryshuar me Vendimin e bordit të ERE-s nr. 144, datë 25.06.2018 “Mbi rishikimin e “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”, nenit 15 të “Rregullores për Organizimin, Funkcionimin dhe Procedurat e ERE”, miratuar me Vendimin e Bordit të ERE-s nr. 96, datë 03.09.2016, Bordi i Entit Rregullator të Energjisë, në mbledhjen e tij të datës 31.05.2019, mbasi shqyrtoi relacionin e përgatitur nga Drejtoria e Tarifave dhe Çmimeve, “Mbi përcaktimin e çmimit të shitjes së energjisë elektrike të furnizuar nga Furnizuesi i Mundësisë së Fundit” për muajin Maj 2019,

Konstatohet se:

- “OSHEE” sh.a., me anë të shkresës nr.11200 Prot., datë 21.05.2019, paraqiti në ERE aplikimin për miratimin e çmimit të shitjes së energjisë elektrike për klientët e lidhur në nivelin e tensionit 35 kV, të cilët furnizohen nga Furnizuesi i Mundësisë së Fundit (FMF), për muaji Maj 2019 dhe kërkon që çmimi i shitjes së energjisë elektrike tek klientët e FMF-së për muajin Maj 2019 të jetë 13.62 Lekë/kWh.
- Në informacioni e dërguar me anë të kësaj shkrese, për llogaritjen e çmimit të shitjes së energjisë elektrike për klientët të cilët furnizohen nga Furnizuesi i Mundësisë së Fundit, është aplikuar formula për llogaritëse e parashikuar në nenin 8 të “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”, miratuar me Vendimin e Bordit të ERE-s nr. 201, i ndryshuar me Vendimin e Bordit të ERE-s nr. 144, datë 25.06.2018.
- Në tabelën përmbledhëse si më poshtë paraqiten: llogaritjet e OSHEE sha dhe propozimi i ERE-s për përcaktimin e çmimit të shitjes së energjisë elektrike për klientët të cilët furnizohen nga Furnizuesi i mundësisë së fundit.

Çmimi për FMF për muajin Maj 2019

Maj 2019		Applikimi OSHEE Sh.a	Propozimi i ERE	
	Njësia	Çmimi	Çmimi	
a	Çmimi maksimal i blerjes në treg të përcaktuar ose blerja nga prodhuesit në përputhje me	Lekë/kWh	9.30	9.30
b	Kohëzgjatja për shërbimet administrative në përqindje përvitërisht (3%)	Lekë/kWh	0.28	0.28
c	Çmimi maksimal i blerjes në periudhën relevante	Lekë/kWh	9.58	9.58
d	Kosto administrative të Furnizuesit të Mundësisë së Fundit	Lekë/kWh	1.79	1.79
e	Tarifë e përdorimit të rrytës të transmetimit	Lekë/kWh	0.75	0.75
f	Tarifë e përdorimit të rrytës të shpërndarjes	Lekë/kWh	1.50	1.50
Çmimi i energjisë (c+d+e+f)		Lekë/kWh	13.62	13.62

- Nga informacioni i raportuar nga shoqëria “OSHEE” sh.a. mbi procedurat e blerjes së energjisë elektrike në tregun e parregulluar, rezulton se çmimi maksimal i blerjes është 75,45 EUR /MWh për sasinë 2,976 MWh nga shoqëria ofertuese “ReNRGY Trading Group” sh.p.k., në fazën përfundimtare të negociimit në datën 26.04.2019 për periudhën 01.05.2019-31.05.2019 dhe fashën orare 7:00-23:00.
- Në komunikimet e mëparshme si dhe seancën dëgjimore që ERE ka patur me OSHEE Sh.a. ka udhëzuar që kostot administrative të cilat i përkasin Furnizuesit të Mundësisë së Fundit të paraqiten të ndara nga aktivitetet e tjera të Shoqërisë. Për këtë çështje shoqëria gjatë seancës dëgjimore u shpreh se gjëndet në kushtet e pamundësisë së ndarjes së kostove në lidhje me FMF për arsye të shtyrjes për një periudhë tranzitore të procesit të ndarjes efektive sipas vendimit të bordit të ERE nr. 264 datë 20.12.2018. Në këto kushte është e arsyeshme të pranojmë koston për njësi prej 1,79 Lekë/kWh, për përcaktimin e kostove administrative (elementi CA i formulës) të paraqitur nga “OSHEE” sh.a..
- Shoqëria OSHEE sh.a. vazhdon të mos përcaktojë kostot e disbalancave për klientët e FMF. Për këtë çështje në seancën dëgjimore të datës 25.04.2019 OSHEE sh.a informoi ERE-n se ka nisur një korespondencë me OST sh.a. për këtë kategori klientësh dhe është kërkuar prej tyre një program orar, ku të evidentohen këto diferenca midis programit dhe konsumit faktik. Gjatë kësaj periudhe, si dhe në këtë aplikim OSHEE sh.a nuk është shprehur për kostot e disbalancave ndaj konsumatorëve FMF dhe nuk ka paraqitur në ERE informacion për ecurinë e këtij procesi sikurse u angazhua nga perfaqësuesit e OSHEE sh.a. në seancën dëgjimore.
- Tarifa e përdorimit të rrytës të transmetimit, miratuar me Vendimin e Bordit të ERE-s nr. Nr. 266, Datë 21.12.2018 MBI “Përcaktimin e tarifës së shërbimit të transmetimit të energjisë elektrike nga shoqëria “OST” sh.a. për vitin 2019” është 0.75 Lekë/kWh
- Tarifa e përdorimit të rrytës të shpërndarjes në nivelin e tensionit 35 kV, miratuar me Vendimin e Bordit të ERE-s n Nr. 268, Datë 21.12.2018 “Mbi lënien në fuqi të Vendimit të bordit të ERE-s nr. 190 datë 30.8.2018 në lidhje me tarifën e përdorimit të rrytës të shpërndarjes sipas nivelit të tensionit dhe çmimet me pakicë për për klientët fundorë që shërbehen nga furnizuesi i shërbimit universal për vitin 2019” është 1.5 Lekë/kWh.

- Në përfundim, nga verifikimi i informacionit dhe përlogaritjeve të paraqitura nga Shoqëria “OSHEE” sh.a. rezulton se, çmimi për shitjen e energjisë elektrike për klientët në kushtet e FMF për muajin Maj 2019 është 13.62 Lekë/kWh.

Për gjithë sa më sipër, bordi i ERE-s,

Vendosi:

1. Të miratojë çmimin e furnizimit me energji elektrike për klientët e lidhur në nivelin e tensionit 35 kV të cilët furnizohen nga Furnizuesi i Mundësisë së Fundit prej 13.62 Lekë/kWh për muajin Maj 2019.
2. Drejtoria e Juridike dhe e Mbrojtjes së Konsumatorit, të njoftojë aplikuesin për Vendimin e Bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare

KRYETARI
Petrit AHMETI